

## EVANS, THOMAS ('Tomos Glyn Cothi'; 1764 - 1833), gweinidog Undodaidd

**Enw:** Thomas Evans  
**Ffugenw:** Tomos Glyn Cothi  
**Dyddiad geni:** 1764  
**Dyddiad marw:** 1833  
**Rhyw:** Gwryw  
**Galwedigaeth:** gweinidog Undodaidd  
**Maes gweithgaredd:** Crefydd  
**Awdur:** John Dyfnallt Owen

Ganwyd yn Capel Sant Silyn, Gwernogle, Sir Gaerfyrddin, 20 Mehefin 1764. Ychydig o fanteision addysg a gafodd ym more oes; bu'n was fferm am dymor byr, ac yna dilyn ei alwedigaeth fel gwehydd. Arferai fynychu ffeiriau Morgannwg i werthu brethyn, a daeth i gyfathrach â beirdd Morgannwg. Yr oedd yng Ngorsedd Mynydd y Garth, Alban Hefin, 1797. Newynai am wybodaeth er yn ieuanc, ac fe'i diwylliodd ei hun i fod yn llenor a bardd. Derbyniai roddion o lyfrau Saesneg oddi wrth Theophilus Lindsey yn 1792-6.

Cofleidiodd Undodiaeth mewn ardal lle yr oedd Calfiniaeth yn ei bri. Dechreuodd bregethu ar aelwyd ei hen gartref yn 1786. Cymaint oedd ei sêl dros athrawiaethau Dr. Priestley fel y llysenwid ef yn 'Priestley bach.' Symudodd yn 1811 i ofalu am yr Hen D Cwrdd, Aberdâr. Yr oedd yn werinwr a diwygiwr eirias. Cydymdeimlai â'r chwyldro yn Ffrainc, a hyn, yn ddiau, a'i dug i wrthdrawiad ag awdurdodau'r Llywodraeth. Yr oedd yng ngharchar Caerfyrddin ar 19 Ionawr 1803.

Ymhlith y pamffledau, y cyfieithiadau, a'r prif lyfrau a gyhoeddwyd ganddo y mae tri rhifyn o *The Miscellaneous Repository neu Y Drysorfa Gymysgedig*; *An English-Welsh Dictionary neu Eir-Lyfr Saesneg a Chymraeg*; *Cyfansoddiad o Hymnau, etc.*; *'Y Gell Gymysg*, mewn llawysgrif yn y Llyfrgell Genedlaethol. Yr oedd yn wir apostol rhyddid gwladol, cymdeithasol, a chrefyddol, ac yn arloeswr mudiadau diwygiadol yn hanes a meddwl Cymru.

Bu farw 29 Ionawr 1833.

### Awdur

Y Parchedig John Dyfnallt Owen, (1873 - 1956)

### Ffynonellau

*Yr Ymfynnydd*, Gorffennaf 1933

W. Rowlands, *Llyfryddiaeth y Cymry*, 679

### Darllen Pellach

CBHC: Addoldai Cymru: [Hen D Cwrdd, Trecynon](#)

Erthygl Wicipedia: [Thomas Evans](#)

### Gweithiau

Thomas Evans a Thomas Richards, *An English and Welch vocabulary, or, An easy guide to the antient British language* (Merthyr 1804)

### Dolenni Ychwanegol

VIAF: [29301483](#)

Wikidata: [Q7789400](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/>

Nghymru a thu hwnt.

Ewch i'n [tudalen codi arian](#) am ragor o wybodaeth.

